

e inoi nei ia kia rite te whakaaro ara kia tau atu ano ki tera motu.

Kaore au e whai i taua matohu. Ona whakamarama mo kupe kei te whakaingoatia i nga taha tika o te moana o Te Tairawhiti taea noatia tenei ra kei te mau hoki taua Kupe i roto i nga waiata nunui o Te Tairawhiti, me nga tangi apakura mo nga rangatira.

Kei Akitio, wahi o Povangahau ko Matiu ko Makaro, kei te one e tu ana he pohatu.

Kei te apakura enei kupu:—

*Tahurihuri ai ko Matiu ko Makaro*

*Ko nga uri taua e hika*

*O Kupe raua ko Ngake*

tera motu, aranga tonu iho ko Mataketake taea noatia tenei ra. Kei te takiwa o Wairarapa ko te matakitakitanga o Kupe ki Kei reira ano ko nga waka o Kupe, e rua, he maunga e taupoki ana.

E kiia ana he moutere kotahi enei e rua, na Kupe i tapahi ka tere te moana i waenganui, ka kiia ko 'te moana a Kupe. Kei taua moana te tuahiwi ki Raukawa. I whaknohia ki reira nga Taiore a Kupe ara te tumatakuru te taraongaonga, te horetiti, te horetata, ara te patu whenua, te whakaara moana, e patu ana i te tangata, kaore he morehu. Tahuri atu he waka. Otira no te wa i a Whakarewa-i-te-Rangi ka ora te tangata.

E mau ra nga kupu i te waiata.

*Nohou anake ra nga putanga ki te tonga.*

*Ko Whakarewa-i-te-Rangi na ana i tiki atu.*

*Ko Poutini, ko Arahura*

*Ko te wa i tere ai te toki.*

I mohiotia hoki me kopare nga kanohi ina eke ki Raukawa kei te waiata ra: —

*Whitikia ai ra Tuwhena*

*Koparetia Raukawa*

Kei te waiata "Ao ma-uru" e man ana enei kupu.

*Kia koparetia te rerenga i Raukawa*

*Kia huna iho kei kitea e nga whatu*

*Kia hipa ki muri ra*

*Ka titiro kau au*

*Kia noho taku iti*

*Te koko ki kararupe*

*Ngā mahi a Kupe*

*E topetopea iho.*

He mea nui te poroporoaki na nga mea i mahue ki nga mea i haere i te heke ahakoa i Hawaiki pa mamao, i Hawaiki patata ranei. Koia tenei ko nga kupu poroporoaki:—

*"Haere ra ki Aotearoa!*

*Horohia te tau ki runga i a*

*Marereotonga i a Tumuwahakairia.*